

801 abundanter reficiat. Haec est summa omnium bonorum, haec est optima pars, quae
 Sept. vel Oct. numquam auferetur, sed magis atque magis in pectore habentis ardescit. De qua duo
 Luc. 10, 42. ib. 24, 32. dixerunt discipuli, cognita Domini facie in fractione panis: 'Nonne cor nostrum ardens
 erat in nobis, dum loqueretur in via et aperiret nobis scripturas'? Vos eam in
 scripturis quaerite sanctis, intentissime scrutantes eas, ut cognoscatis Dominum vobis
 loquentem in eis. 5

Quid dulcius est, quam Dei omnipotentis frui confabulatione? Quia, qui legit
 sacratissimos sermones Domini, per sanctos suos nobis traditos, Deum loquentem
 audiet¹; et qui orat, Deo loquitur. Hae^a sacratissime vicissitudines diem et noctem
 ducant in iubilationem. Nec saecularis occupatio spiritalem subruat iocunditatem. 10
 Quia vanitas vanitatum est huius saeculi deliciae^b et falsi amores. Quia omnes huius
 Cf. Osee 10, 7. vitae iocunditates velut umbra transeunt, et velut spuma^c super aquam facile dissi-
 pantur². Ideo, dilectissimae et nobilissimae virgines, animas vestras in omni sanctitate
 et relegione lectionisque studio exercete, ut Spiritus sanctus de caelo vestrae de-
 votionis corda saepius visitare dignetur, qui pectora inhabitare dinoscitur caritate plena, 15
 et in sancta sapientia sollicita mente sudantia^d.

Haec interim sanctae dilectionis calamo praelibare curavi.

Ceterum si paternae valetudinis^e effectum scire curam habetis, scitote cotidie
 infirmitates crescere et variis corpus debilitare doloribus; et Dominum pulsantem
 ianuas, si vigilantem inveniatur famulum suum; vigiliasque, vestris adiutum^f inter- 20
 cessionibus, custodire sanctas, ne me in saeculi occupationibus dormientem inveniatur³,
 Matth. 26, 41. qui apostolis suis praecepit dicens: 'Vigilate et orate, ne intretis in temptationem;
 spiritus quidem promptus^g est, caro^h autem infirma'.

Vestram sanctitatem in omnibus bonis florere et ad perpetuam deus Iesus pro-
 ficere faciat felicitatem, soror in Christo carissima. 25

229.

*Alcvinus Carolo imperatori ex Italia reverso Candidum obviam mittit. Se propter
 senectutem et valetudinem omnino animi saluti prospicere velle scribit; sed in coenobio
 S. Martini Turonensi manere cupit. 801 Sept. vel Oct.*

Codd. T fol. 41'—43 (T* fol. 37'—38)^a.

Edd. Q 23, F 101, J 170. — Migne col. 364.

30

DOMINO DESIDERANTISSIMO ET OMNI HONORE DIGNISSIMO DAVID PATRI PATRIAE ALBINUS
 MATRICULARIUS PRAESENTIS ET FUTURAE BEATITUDINIS SALUTEM.

Benedictus dominus Deus et benedicta perpetua illius misericordia super servos
 suos, pro quorum prosperitate et salute vos, dulcissime David, prospere duxit et paci-
 fice reduxit, conservavit, honoravit, et exaltavit. Atque in omni loco adventus vestri 35
 lumen iustitiae pietatisque ante faciem vestrae beatitudinis splendescere fecit, quatenus
 totius caligo iniquitatis, nebula perversitatis, serenissimo sapientiae vestrae splendore

a) Haec H. b) diliciae H. c) spumas H. d) sudantes H. e) valetudinis scripsit J. pro
 voluntatis. f) adiutus H. g) prumptus H. h) cor H.

229. a) Lemma: Item eiusdem ad eundem de laude sapientiae et de vitae desiderio 40
 quietae T.

1) Cf. Alcvin. ad Widon. comit. c. 5 (Opp. II, 130): Nam cum oramus, ipsi cum Deo loquimur;
 cum vero legimus, Deus nobiscum loquitur. 2) Cf. Alcvin. V. Richarii c. 10 (Opp. II, 179): gloriam . . .
 quae subito velut volatilis umbra recedat et tanquam spuma super aquam . . . evanescat. 3) Iudicari
 debet ex his verbis hanc epistolam scriptam esse ante renunciata ab Alcivino exeunte anno 801. negotia sae- 45
 cularia; de qua re cf. epp. 229. 232. 233 cet. J.